

23. april 2014

UPA 2014/50
Saxtorph Didriksen

Ujaqqanik pinneraasiassanik annikitsumik aatsitassarsiornermik tunngveqartumik kalaallit ujaqqanik pinneraasiaannik avammut tunisassiornerup ineriartortinneqarnissaanut periarfissanik nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat ujaqqanik pinneraasiassanik kalaallit tunisassiaannik avammut tunisassiornerup akimmiffiinik periarfissaanillu aamma allaatiginniffioqquneqarpoq.

(Inatsisartunut ilaasortaq Aqqaluaq B. Egede, Inuit Ataqtigiit)

Siumumiit siunnersuuteqartoq qujaffigissavarput Naalakkersuisut nassuiaasioqqullugit Inatsisartut aalajangiiffigisassaattut siunnersuummik qaqitsimmat.

Nunatsinni ujaqqanik nalituunik pinneraasianik avammut niuerutiginnissinnaaneq innuttaasut namminneerlutik aningaasarsiuqarsinnaanissaannik Naalakkersuinikkut tapersorneqartoq Siumumiit nuannaarutigigatsigu oqaatigissavarput.

Taamannak oqaaseqarluta siunnersuuteqartoq Aqqaluaq B. Egede, IA Siumumiit siunnersuutaanut annertunerusumik oqaaseqarnata aamma qilanaarluta Naalakkersuisut innuttaasunik ujaqqanik pinneraasiassanik avammut niuersinnaanermut aqqutissiuusseqataanissaannut pissangalluta siunissami tusagaqartalernissarput qilanaaralugu ujaqqanik pinneraasianik avammut niuernerminunatta innuttaanik namminneq ingerlanneqartoq aammalu taamannak ingerlatsilerumaartussanut iluanaarutaallualerumaarnissaannik neriulluarluta siunnersuut Siumumiit taperserparput.

Siumumiit ilanngullugu ersarinnerusumik innuttaasut paasissutissinneqartarnissaat ujaqqanik nalituunik pinneraasiassatut aammalu avammut niuerutiginnissinnaanermut aqqutissiuunneqartarnerunissaannik ullumikkornit annertunerusumik innuttaasunut siammarsaasarnarunissaq soorlu KNR TV/RATIU aqqutigalugu ingerlanneqartarnissai aamma kajumissaarutigissavarput.

Taamannak ersarissumik naatsumik Siumumiit taperserparput Inatsisartunut ilaasortap Aqqaluaq B. Egede-p siunnersuutaa.